



INUIT ATAQATIGIIT INATSIARTUNI

27. november 2008

Inatsisartut Suleriaasianni § 36, imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Suliffeqarfiit Namminersornerullutik Oqartussanit pigineqartut piffissaq sivikitsumik killigaq atorlugu aningaasanik atorniartarneri nutarterneqassatillugit naammaginnartunik periarfissaqartsisoqarnerisooq Naalakkersuisunit oqaatigineqarsinnaava?

Suliffeqarfiit Namminersornerullutik Oqartussanit pigineqartut piffissaq sivikitsumik killiligaq atorlugu aningaasanik atorniartarnerisa allangortinniarnarini qanoq pisoqartarnerisooq Naalakkersuisunit oqaatigineqarsinnaava?

Suliffeqarfiit Namminersornerullutik Oqartussanit pigineqartut sorliit qassillu piffissaq sivikitsumik killiligaq atorlugu aningaasanik atorniarsimasaasa angingaasanik allanik atorniaqqaarnani akilerneqarsimanersut Naalakkersuisunit oqaatigineqarsinnaava?

Tamaku pillugit, kiisalu maannakkorpiaq nunarsuarmi aningaasarsiornikkut ajornartorsiorneq eqqarsaatigalugu kingullermik apeqquteqarnerma kingorna suliffeqarfiit Namminersornerullutik Oqartussanit pigineqartut aningaasat atorniagaasa amerlassusaat annertussutsimikkut qanoq ingerlasimanerat pillugu Naalakkersuisut qanoq oqaaseqarsinnaappat?

Kingullermik apeqquteqaateqarnerma kingorna suliffeqarfiit pineqartut nammineq aningaasaataat aningaasaqarnikkullu patajaassusaat eqqarsaatigalugit arlaatigut pisoqarsimava, taamaassimappallu suliffeqarfit ataasiakkaat toqqammavigalugit qanoq pisoqarsimanagera Naalakkersuisunit nassuiaqquneqarpoq.

Suliffeqarfiit Namminersornerullutik Oqartussanit pigineqartut Landskarsimit ikiorneqartariaqalissagalarpata piareersimanissaq siunertaralugu Naalakkersuisut qanoq immikkut iliuuseqarsimappat?
(Inatsisartuni ilaasortaq Esmar Bergstrøm, Inuit Ataqatigiit)

Tunnngavilersuut:

Inatsisartuni oqaluttarfik atorlugu apeqquteqartarninni akineqarneq ajornera patsisigalugu allakkatigut apeqquteqarnissara pisariaqartilersimavara.

Piffissami massumani aningaasanut inatsimmi annertuumik amigartoorfiusussami Landskarsip nammassinnaangisaanik aningaasarsiornikkut nuanniitsumik tupaallannartumillu pisoqannginnissaata qulakkeertariaqarnissaa pisariaqavippoq.

Apeqqutigisakka paasiuminaatsinneqassappata imaluunniit apeqquteqaateqarnikkut suna anguniarneriga nalornissutigineqassappat oqaloqatigiinnikkut itisiliinissannut piareersimavunga.